


# KONSÒSYÒM PLANIFIKASYON VIH NAN CONNECTICUT

Bilten Nouvèl/Otòn 2023



CHPC (Konsòsyòm Planifikasyon VIH nan Connecticut) se yon gwoup prevansyon ak planifikasyon swen entegre nan tout eta a ki gen plizyè patnè—ki gen ladan moun k ap viv ak VIH.

## Tès VIH Woutin se isit la, CT!

Ansanm, nou ka mete fen nan epidemi VIH la. Pou plis enfòmasyon, vizite [test-ct.org](http://test-ct.org)

Di Tout Moun pou yo Fè Depistaj ak Tès



## PWEN ENPÒTAN BILTEN NOUVÈL LA

Kowalisyon Sante Seksyèl nan Connecticut

Pwen Esansyèl sou Manm CHPC: Angel Ruiz

Nan Ka Ou Rate I: Prezante kèk fòmasyon ak resous yo te ofri nan CHPC dènyèman

Sijè Tandans: Cabenuva - Medikaman enjektab kont VIH ki dire lontan

Evènman ki gen pou Fèt ak Jounen Sansibilizasyon yo

Rezulta Sondaj Evalyasyon Bezwèn Prevansyon VIH Depatman Sante Piblik

(Department of Public Health, DPH) la

Wòl yon Espesyalis nan Entèvansyon kont Maladi

## TÈS VIH WOUTIN NAN CT

Kòm an 2019, anviwon 1.2 milyon moun nan Etazini te gen VIH, epi yo estime ke 13% ladan pa konnen estati yo. Prèske 40% nan nouvo

**"Li posib pou viv lontan ak byen ak VIH ak tès bonè, swen ekspè ak chwa ki an sante."**

-Alex Garbera

enfeksyon VIH yo transmèt pa mwayen moun ki pa konnen yo gen virus la. Pou moun ki pa dyagnostike ak VIH, tès la se premye etap pou w gen yon lavi an sante ak anpeche transmisyon VIH. Depistaj woutin VIH se youn nan sis estrateji yo rekòmande pou mete fen nan epidemi VIH nan Connecticut ke Komisyon an te etabli an 2018. Apati 1 janvye 2023, yo pral ofri

tout moun ki gen plis pase 13 an yon tès VIH nan anviwònman swen prensipal yo, sepandan, pasyan an ka refize fè tès la. Yon bagay ki anvigè tou, yo pral ofri tout moun ki gen plis pase 13 an yon tès VIH nan sèvis ijans yo sof si y ap trete yo pou yon ijans ki menase lavi yo, yo refize fè tès la, oswa yo pa kapab refize fè tès yo.

Etid yo montre ke pi bonè moun yo konnen sitiyasyon VIH yo epi kòmanse tretman VIH apre dyagnostik, se plis sa ap benefisyé

**"Objektif la se bay aksè a tès nan plizyè kote diferan epi pa sèlman nan anviwònman swen prensipal tradisyonèl yo."**

-Dr. Michael Virata, Yale

yo. Tretman VIH la diminye kantite VIH ki nan san an, diminye maladi ki gen rapò ak VIH, epi anpeche transmèt li bay lòt moun. Moun ki fè tès epi ki aprann yo pa genyen VIH ka pran desizyon konsènan sèks, utilizasyon medikaman ak swen sante ki ka ede yo pran VIH.



**Tell Everyone  
to Screen & Test**

**<https://endthesyndemicct.org/>**

## POUKISA TÈS VIH LA ENPÒTAN

- Nou ka prevni ak trete VIH, kidonk fè tès ak tretman bonè se yon bagay ki enpòtan.
- Nan pifò ka yo, se moun ki pa konnen yo genyen VIH ki transmèt li.
- Moun ki konnen yo genyen VIH kapab pwoteje tèt yo ak pwoteje lòt moun.
- Moun ki kòmanse tretman bonè gen pi bon rezulta sante epi yo ka viv yon lavi ki long ak an sante.

## SÈL FASON POU W KONNEN SI W GEN VIH SE LÈ W FÈ YON TÈS

- Moun ki kòmanse tretman epi ki kontinye gen yon kantite viris ke yo pa ka detekte pa ka transmèt li bay lòt moun nan fè sèks.

Eskane kòd QR la pou w jwenn aksè nan bwat zouti tès VIH la



## TRETMAN VIH KÒM PREVANSYON: MEDIKAMAN ENJEKTAB KONT VIH KI DIRE LONTAN

Moun ki gen VIH (PWH) ki pran medikaman VIH jan yo preskri yo a ka diminye kantite VIH nan kò a nan yon nivo ki ba. Pifò PWH (moun ki gen VIH la) ka kontwole viris la nan 6 mwa apre yo kòmanse tretman an. Avantaj represyon viral la gen ladan yon sistèm iminitè pi solid, mwens risk pou transmisyon VIH bay nenpòt patnè seksyèl, ak mwens risk pou transmèt VIH bay tibebe pandan gwosè s oswa bay tete.

Pifò tretman VIH yo fèt pa mwayen gress ou dwe pran chak jou. Sa vle di PWH la dwe asire li gen aksè nan famasi, sere medikaman yo byen, epi sonje pran yo chak jou nan bon moman an ak jan yo rekòmande yo. Administrasyon Manje ak Medikaman (Food and Drug Administration, FDA) Etazini te apwouve medikaman yo ka enjekte pou VIH ki dire lontan. Pa egzanp, yo itilize piki (entramiskilè) pou bay Cabenuva chak mwa oswa chak lde mwa bay PWH ke yo siprime viralman epi ki sou yon rejim tretman VIH ki estab ki pa gen okenn ki di l rate nan tretman an epi ke yo pa okouran oswa sispèk li te montre rezistans ak cabotegravir oswa rilpivirine. Pou plis enfòmasyon sou Cabenuva, ale sou <https://www.cabenuva.com>.

Depatman Sante Piblik nan Connecticut (Connecticut Department of Public Health, CT DPH) administre Pwogram Asistans Medikaman SIDA nan Connecticut (Connecticut AIDS Drug Assistance Program, CADAP) ki ede moun ki gen revni fèb jwenn medikaman esansyèl pou jere VIH ak kondisyon ki asosye yo. PWH ka jwenn èd avèk pri prim asirans sante yo sou plan asirans sante ki apwouve yo atravè Pwogram Asistans pou Prim Asirans nan Connecticut (Connecticut Insurance Premium Assistance, CIPA). Pou plis enfòmasyon sou CADAP oswa CIPA, ale sou <https://ctdpb.magellanrx.com>. Sèl fason pou konnen si w gen yon chaj viral ki pa detektab se lè w fè tès regilyèman. Ou dwe fè tès pou lòt maladi yo transmèt nan fè sèks tou! Tretman VIH la pa pwoteje kont MST (Maladi yo Transmèt nan Fè Sèks) yo.

#StopHIVStigma

- LÈ YO PA KA  
DETEKTE

I nan ou menm, sa vle di w se yon moun ki gen VIH ki ka  
mennen yon lavi ki long ak an sante.



# PWEN ESANSYÈL SOU MANM CHPC: ANGEL RUIZ



Pèmèt nou prezante w youn nan nouveau manm CHPC nou yo: Angel Ruiz Angel (yon gason) soti nan Rincon, Pòtoriko. Li ap viv nan peyi Etazini pandan pi fò pati nan lavi l epi kounye a li abite nan Manchester, CT.

Angel te jwe yon wòl nan CHPC kòm yon manm kominote a pandan plizyè ane e li te deside ke li te vle vin yon manm konplè paske li te wè ki jan CHPC te travay an nan tèt kole ak moun ki enterese yo pou kaapb benefisyé moun ki fè pati kominote VIH la. Li non sèlman pote nan mitan nou yon bann eksperyans pèsonèl nan zafè rekiperasyon alontèm, men tou li travay yon fason pwofesyonèl pou defann moun ak fanmi k ap viv ak VIH/SIDA. Aktyèlman Angel travay ak pwogram VIH Pedyatrik pou Jèn ak Fanmi Timoun nan Connecticut (Connecticut Children's Pediatric Youth and Family HIV) yo antanke yon Travayè Sante Kominotè ki founi jesyon ka, konsèy ak tès VIH, ak edikasyon sou sante seksyèl pou fanmi ak jèn yo atravè eta a. Nou espere ke yon jou VIH/SIDA pral yon bagay nan tan pase epi nou ka prevwa, avèk tout efò nou kontinye ap fè yo, rèv sa a ka pa lwen reyalize!

## Kisa ki fè ou vle vin yon manm CHPC?

Pandan plizyè ane, mwen te patisipe kòm yon manm kominote a. CHPC fè yon travay estrawòdinè nan konvoke moun ki enterese yo pou yo vin travay ansanm nan avantaj moun n ap sèvi yo. Sitou, menm moun k ap sèvi sa yo fè pati gwoup k ap pran desizyon nan CHPC tou. Kòm yon manm CHPC, mwen pote non sèlman konesans mwen genyen nan travay nan domèn sa a, men tou, mwen pote pwòp eksperyans mwen te viv kòm yon moun nan rekiperasyon alontèm.

## Eksperyans pwofesyonèl nan sante ki enpòtan

Mwen te kòmanse travay nan domèn sante publik nan fen ane 1990 yo pou sèvi moun ak fanmi ki gen VIH/SIDA. Eksperyans bonè sa yo te ranfòse angajman mwen pou m sèvi popilasyon ki gen plis risk yo atravè prevansyon ak defans. Enpak VIH sou kominote koulè yo te mete aksan sou diferans nan sante ki genyen ke mwen te obsève dirèkteman chak jou. Mwen te konprann enpòtans pou m patisipe nan kowalisyon ak rezo pou defann chanjman yo. Pou kominote Latino yo, gen anpil lòt obstak ki te ajoute nan faktè risk yo ke mwen pèsonèlman rekonèt. Apre travay mwen nan New York, mwen te gen chans rantre nan Latino Community Services, Inc. kote m te

okipe plizyè wòl pandan plizyè ane.


Pandan dis ane ki sot pase yo, mwen te travay kòm yon Travayè Sante Kominotè k ap fè jesyon ka, Konsèy ak Tès VIH, Sansibilizasyon, Edikasyon Sante Seksyèl pou Jèn, ak plizyè lòt wòl nan Pwogram VIH Pedyatrik pou Jèn ak Fanmi CT Children's (ki ap sèvi jèn ak fanmi yo pandan plizyè dizèn ane). Ekip mwen travay avèk yo a gen ladann moun dinamik ki pataje pwòp pasyon mwen pou ede lòt moun. Mwen reve jou kote VIH/SIDA se ap yon bagay nan tan pase. Gras ak efò kòlèg mwen yo ak anpil lòt moun, rèv sa a sanble pa tèlman lwen. Anretan, nou kontinye travay chak jou pou kenbe sante ak byennèt moun yo.

## Pataje yon enfòmasyon enteresan si w alèz.

Mwen goche, kidonk mwen fè pifò aktivite tankou voye yon boul bezbòl ak men göch mwen. Sepandan, mwen ekri ak men dwat mwen.

# PLAN ENTEGRE PREVANSYON AK SWEN VIH NAN CONNECTICUT 2022-2026

Plan VIH nan tout Eta a bay yon plan sou fason Connecticut gen entansyon mete fen nan epidemi VIH la. Prensipal responsabilite CHPC se pou elabore ak mete ajou Plan sa a. CHPC te soumèt dènye plan li bay gouvènman federal la an desanm 2022. CHPC rasanble patnè yo epi sèvi ak done pou fè Plan an tounen yon dokiman "vivan". Pa egzanp, figi ki anba a montre kijan gason omoseksyèl ak biseksyèl reprezante pifò moun ki dyagnostike ak VIH (2020). Done yo enfòme, CT rekonèt enpòtans pou angaje founisè Ryan White pou amelyore rezulta sante tout moun k ap viv ak VIH epi pa sèlman moun k ap resevwa sèvis Ryan White.



Plan an reprezante yon apèl a aksyon pou kominote nou yo ak patnè nou yo pou yo adrese pwoblèm yo epi pou ede diminye diferans ki genyen pami popilasyon priyorité yo. Li enkli estrateji prevansyon ak swen epi revize chanjman nan done yo pou ajiste estrateji prevansyon ak swen an repons a chanjman nan epidemi an ak lòt faktè tankou novo medikaman prevansyon ak tretman, chanjman nan lwa, ak chanjman nan kapasite sèvis founisè yo. Plan an konekte estrateji prevansyon ak swen VIH ak efò ki sanble yo ki fèt pou diminye epatit, maladi ki transmèt nan fè sèks ak pwoblèm itilizasyon sibstans. Yo montre yon rezime plan an anba a. Vizite sitwèb CHPC pou li tout Plan an. <https://cthivplanning.org/>

ANPECHE	Objektif 1: Diminye nouveau enfeksyon VIH a 176 jia 2026 (220 baz referans 2019).
AMELYORE REZILTA SANTE KI GEN RAPÒ AK VIH	Objektif 2: Rive nan yon pouvantaj represyon chaj viral 95% pami PLWH ki nan swen jiska 2026 (pa rapò ak 90% an 2019) ak yon pouvantaj represyon chaj viral 87% pami moun ki gen VIH dyagnostike (pa rapò ak 74% an 2019).
REDUI DISPARITE	Objektif 3: Redwi disparite ki gen rapò ak VIH ak inegalite nan zafè sante.
AMELYORE KOWÖDINASYON	Objektif 4: Rive nan efò entegre, kowòdone ki redui epidemi VIH la atravè tout patnè ak pati ki enterese yo.



# APÈL POU AJI: CONNECTICUT FÒME KOWALISYON POU SANTE SEKSYÈL




## KISA MWEN KA FÈ POU ANPECHE M PRAN IST/MST AK VIH?

Si w aktif seksyèlman, ou ka fè bagay sa yo pou diminye chans ou genyen pou w trape MST ak VIH:

- Chwazi aktivite sèks ki gen mwens risk
- Sèvi ak yon nouvo kapòt, regilyèman ak kòrèkteman, pou chak zak sèks nan vajen, nan twou dèyè ak nan bouch pandan tout zak sèks la
- Diminye kantite moun ou fè sèks avèk yo
- Limite oswa elimine itilizasyon dwòg ak alkòl anvan ak pandan sèks
- Fè yon chita pale onèt ak ouvè avèk founisè swen sante ou epi mande si w ta dwe fè tès pou MST ak VIH.
- Pale ak founisè swen sante w la epi chèche konnen si swa pwofilaksi anvan ekspozisyon, oswa PrEP, oswa pwofiklaksi apre ekspozisyons, oswa PEP, se yon bon opsyon pou ou pou anpeche enfeksyon VIH.

Sous: Sant pou Kontwòl ak Prevansyon Maladi VIH/SIDA ak MST

### Sitiyasyon MST yo nan CT



MST yo kontinye ogmante  
nan Connecticut malgre  
yo ka prevni ak trete.



14,749  
ka klamidya  
Bès 3% depi 2019



5,405  
ka gonore  
Ogmantasyon 22% depi 2019



329  
ka sifilis  
Ogmantasyon 56% depi 2019



6  
ka sifilis pami tibebe  
ki fenk fèt yo  
Yo rapòte piò ka yo nan CT  
nan yon ane

www.cdc.gov/std/

Eskane kòd pou  
aprann plis





**Aprann plis sou rezulta  
Evalyasyon Bezwèn pou  
Prevansyon VIH DPH la lè w  
eskane kòd ki anba a:**



# SONDAJ EVALYASYON BEZWEN POU PREVANSYON VIH DPH

Depatman Sante Piblik Connecticut (CT DPH) te dirije koleksyon done pou premye sondaj Evalyasyon Bezwèn pou Prevansyon (Prevention Needs Assessment, PNA) VIH nan tout Eta a. 2,038 moun ki sanble te resevwa sèvis prevansyon VIH te ranpli sondaj la pandan oktòb 2022 rive desanm 2022. Nan moun ki reponn yo, 43% te Blan, 24% te Nwa oswa Afriken Ameriken, ak 19% te Ispanik/Latino. Sondaj PNA a kolekte enfòmasyon atravè 10 domèn. Rezulta sondaj PNA yo pral itilize pou idantifye twou vid ki genyen nan tès VIH, pou amelyore sèvis prevansyon VIH, epi pou idantifye nenpòt lòt obstak nan sèvis prevansyon VIH. CHPC ap travay nan tèt kole ak CT DPH pou konprann kijan enfòmasyon sa yo afekte estrateji nan Plan VIH nan tout Eta a ansanm ak plan travay Komite CHPC yo. Klike isit la a pou w wè yon prezantasyon rezime sondaj PNA VIH nan tout Eta a.

## Tès VIH:

- 81% te rapòte ke yo te resevwa yon tès VIH pandan lavi yo, ak 73% te teste negatif pou VIH.
- Klinik/sant sante 28% ak sit tès VIH 23% se te kote ki pi komen pou fè tès VIH.
- 33% rapòte ke yo te refize yo tès VIH nan yon sèten moman.

## Pwofilaksi Anvan Ekspozisyon (PrEP):

- 80% te tandé pale de PrEP, sèlman 23% t ap pran li an reyalite.
- Rezon prensipal ki fè yo pa pran PrEP se paske yo pa te remake bezwen pou pran li 57% epi enkyetid sou vi prive ak asirans 35%.

## Pwofilaksi apre Ekspozisyon (PEP):

- 76% te tandé pale de PEP, ak 27% rapòte itilizasyon anvan.
- 11% nan patisipan yo te rapòte difikilte pou jwenn aksè ak PEP, ki gen ladan yo deyò entèval 72 èdtan 38% ak malèz pou diskite sou li ak founisè swen sante (27%).

## Tès IST:

- 60% nan patisipan yo rapòte ke yo te fè tès pou nenpòt IST nan 12 dènye mwa yo.
- 20% nan patisipan yo te teste pozitif pou gonore oswa sifilis nan dènye ane a.

## Sante Mantal:

- 31% rapòte ke yo santi estrès, deprime, san espwa, izole, oswa enkyè pandan 3 a 6 jou sou 30.
- 35% rapòte yo te gen lide swisid nan 12 dènye mwa yo.

## Pwoblèm Lilizasyon Sibstans:

- 49% rapòte yo pa janm enjekte dwòg, pandan ke 34% rapòte yo te enjekte dwòg nan 12 mwa ki sot pase yo, ak 16% rapòte yo te enjekte dwòg plis pase 12 mwa de sa.

## Itilizasyon Dwòg:

- 40% rapòte yo pa janm sèvi ak dwòg, 33% rapòte ke yo itilize kanabis oswa K2, ak 29% rapòte ke yo itilize estimilan.
- Lè yo te mande yo si yo te vle sispann sèvi ak dwòg, 52% te di Non.

# NAN KA OU RATE L

## VIV NAN KOULÈ, PA SÈLMAN NAN PANSE. KONEKTE ENTÈSEKSYON W YO ATRAVÈ SANTE MANTAL

Plan VIH nan tout Eta a mete aksan sou rediksyon estigmatizasyon ak rediksyon disparate ak inegalite. Gen yon wo nivo mefyans ak santiman estigmatizasyon nan kominate koulè yo epi li afekte aksè ak sèvis sante ak sante mantal yo. CHPC pran angajman pou l'adrese pwoblèm tankou estigma, enjistis sosyal ak rasis atravè diskisyon k ap kontinye. Diskisyon panèl sa a te vize akonpli twa bagay: 1.) elaji sensibiliizasyon sou estigmatizasyon jan li gen rapò ak sèvis sante mantal; 2.) ogmante konesans ak nivo konfò pou adrese estigma; ak 3.) montre kèk nan travay enkwayab y ap fè nan CT. Twa manm panèl la enkli: Chevelle Moss-Savage, HEAL Consulting; Nichole Mayweather-Banks, Changing FACES, LLC; Bianca Alexis-Sylvain, Mind Body Rise, LLC.



Eskane kòd QR la pou plis enfòmasyon

## VIH AK LOJMAN: SA OU DWE KONNEN

Kalkil anyèl 2022 popilasyon sanzabri nan Connecticut montre kantite moun ki te nan sitiyasyon sanzabri yo te ogmante pou premye fwa nan prèske yon deseni. Lojman se youn nan detèminan sosyal ki pi enpòtan nan sante epi li enpòtan pou mete fen nan epidemi VIH la. Panèl sa a te reyini pou diskite sou sa chak founisè sèvis sosyal/ sèvis pou moun pou VIH dwe konnen sou resous ak pwosesis lojman nan Connecticut.

Manm nan panèl pou evènman sa a enkli: Steve DiLella, MA: Direktè, Pwogram Sipò Endividyle ak Fanmi, Depatman Lojman nan CT. Amber Freeman, MA: Direktè Fòmasyon, Asistans Teknik ak Enpak Kominotè, Kowalisyon Connecticut Coalition pou Mete Fen nan Sanzabri. Erika Mott, LMSW, CHW: Direktè Prensipal Pwogram, Advancing CT Together. Doktè Anthony Santella, ko-prezidan komite Pwojè Evalyasyon Bezwè (NAP) CHPC a te fasilité diskisyon panèl la.



Eskane kòd QR la pou plis enfòmasyon

## MWA NASYONAL SANSIBILIZASYON SOU SIDA MOUN NWA AK JOUNEN NASYONAL SANSIBILIZASYON SOU VIH/SIDA KAY FANM AK TI FI

An rekonesans Mwa Nasyonal Sansibilizasyon sou SIDA Moun Nwa ak Jounen Nasyonal Sansibilizasyon sou VIH/SIDA kay Fanm ak Ti fi ak tèm ane sa a, "Prevansyon ak Tès nan Tout Laj; Swen ak Tretman nan Tout Etap", Pwogram Sante Kominotè Jèn ak Fanmi CT Children's/UConn te rasable yon gwoup dinamik fanm ak ti fi fenomenal ki se desandan dyaspora Afriken, avèk entansyon pou kreye yon espas kote relasyon ant fanm yo, swen pwòp tèt yo, yo tout ka devlope. Nan sèvi ak son, meditasyon ak manje kòm zouti gerizon, Calvin te bay yon meditasyon gide lè l sèvi avèk bòl tibeten, teknik respirasyon ak lòt teknik. Fanm yo te pataje enpak pozitif li te genyen pou yo lè l te pèmèt yon espas pou gerizon epi pèmèt antre an kontak ak lespri, kò ak nanm. Pou entèvansyon yo ka efikas, vwa eksperyans inik fanm ak ti fi yo ak pwennvi global yo dwe nan sant nenpòt rechèch ak konsepsyon entèvansyon pou ka gen siksè nan elimine VIH.

# RETE KONEKTE. LI BON POU SANTE W!

Solidid se lè w santi w poukont ou, menm lè w gen anpil kontak sosyal. Izòlman sosyal se yon mank koneksyon sosyal epi li ka mennen nan solidid.

Yon dènye rapò ki soti nan Akademi Nasyonal Syans, Jeni, ak Medsin sijere ke 1 nan 3 adilt ki gen laj 45 an ak plis santi yo poukont yo, e ke prèske 1 nan 4 adilt ki gen laj 65 an oswa plis izole sosyalman.

Rapò a mete aksan sou solidid pamí lòt gwoup tankou imigran; popilasyon madivin, masisi, biseksyèl, ak transeksyèl (LGBT); ak minorite yo.

Popilasyon LGBT yo gen tandans fè eksperyans plis solidid pase kamarad etewoseksyèl yo akòz estigma, diskriminasyon, ak difikilte pou swen. Elimine estigmatizasyon ak diskriminasyon se yon priyорite nan Plan VIH Entegre nan tout Eta a!

Poukisa li enpòtan? Gen gwo prèv ki montre izòlman sosyal ak solidid afekte rezulta sante yo. Pa egzanp, izòlman sosyal te asosye ak yon ogmantasyon 50% nan risk pou demans. Lòt prèv asosye ak solidid ki gen pi gwo pouvantaj depresyon, enkyetid, ak swisid.

Rete konekte. Tcheke moun ou yo. Manm fannmi w yo. Zami w yo. Lidè oswa manm kominate relije w oswa gwoup sipò ant kamarad. Kontakte founisè swen sante w yo epi fè yo konnen ki jan w santi w.

Si oumenm oswa yon moun ou konnen gen difikilte, li nòmal pou w pataje santiman ou. Si w pa gen okenn lòt kote pou w tcheke, rele 988 ki pral konekte w avèk sèvis sante mantal ak prevansyon swisid.

## KNOW THE NUMBER

### 988

**Liy Sekou pou  
Prevansyon Swisid ak  
Kriz Sante Mantal**

Gratis, konfidansyèl, ak  
disponib 24/7/365

### 911

**Ijans Medikal ak  
Sekirite Piblik**

Gratis ak disponib  
24/7/365

### 211

**Liy Sipò Resous**

**(Lojman, sante mantal,  
itilizasyon sibstans,  
transpò ak plis ankò)**

Gratis ak disponib  
24/7/365



# WÒL YON ESPESYALIS NAN ENTÈVANSYON KONT MALADI

Espesyalis Entèvansyon kont Maladi (Disease Intervention Specialists, DIS) jwe yon wòl enpòtan nan mete fen nan epidemi VIH la. DIS yo responsab pou chèche kontak oswa idantifye sous maladi a pou ede limite pwopagasyon li. Sa gen ladann jwenn ak angaje moun ki te dyagnostike ak yon maladi yo dwe rapòte tankou yon Maladi yo Transmèt nan Fè Sèks (MST) oswa VIH. DIS revize rapò laboratwa ak enfòmasyon founisè swen sante yo mande ke lalwa egzije pou yo pataje enfòmasyon pou diminye risk endividyle ak sante piblik. DIS fè evalyasyon risk, bay seyans

konsèy, konekte moun ak sèvis PrEP ak lòt resous tretman ak swen. Li enpòtan pou pale ak patnè yo sou yon MST oswa VIH. Sa ka difisil. DIS ka ede avèk pwosesis sa a.

Pwosesis DIS sa a konfidansyèl epi fèt ak konpasyon. Travayè DIS la ap reponn kesyon yo epi ankouraje moun sa yo pou yo fè tès pou yo ka pran swen tèt yo ak moun yo renmen yo. Gade video 2 minit sa a pou w aprann plis sou pwosesis la. <https://www.youtube.com/watch?v=oRqTxROmGb4>

Depatman Sante Piblik Connecticut (CT DPH) òganize DIS li a an de(2)



rejyon avèk sant nan Hartford ak New Haven. Pou plis enfòmasyon, kontakte dirijan sant DIS yo. Nan Hartford kontakte Kimberly Williams (Kimberly.williams@ct.gov) epi nan New Haven kontakte Nathan Santana (Nathan.santana@ct.gov). Sonje selebre jounen nasyonal rekonesans DIS la nan 6 oktòb 2023!



## ÈSKE W ENTERESE KONTRIBIYE NAN PWOCHEN BILTEN NOUVÈL CHPC A?

**Kontakte Prezidan Komite pou Manm ak Sansibilizasyon (Membership and Awareness Committee, MAC) CHPC a dante.**  
**gennaro@yale.edu oswa pèsonèl sipò komite a Ken Plourd (plourd@xsector.com)**

## NOU BEZWEN NOUVO MANM CHPC

**Èske w enterese vin manm CHPC?** Èske w se yon manm kominote founisè prevansyon ak swen VIH la? Èske w se yon moun ki gen VIH oswa ki te fè eksperyans avèk sistèm jistis la, pwoblèm itilizasyon sibstans, epatit, maladi yo transmèt nan fè sèks oswa PrEP? Èske w kapab patisipe nan reyinyon CHPC yo soti **9:00 am jiska 12:30 pm nan twazyèm mèkredi chak mwa?** Manm CHPC ki elijib yo jwenn kèk kòb ak sipò pou transpò!



# DON SAN KOUNYE A PLIS ENKLIZIF POU KOMINOTE LGBTQ+ LA

Nan dat 7 out 2023, Lakwa Wouj Amerikèn te kòmanse sèvi ak yon nouvo evalyasyon donatè endividiyèl pou tout donatè san kèlkeswa sèks oswa oryantasyon seksyèl. Pou di sa yon lòt fason, kesyon yo se pral menm nan pou chak donatè. Chanjman sa a reflete dènye rekòmandasyon Administrasyon Manje ak Medikaman (FDA) nan Etazini pou redwi risk pou transmision VIH atravè transfizyon. Nouvo apwòch la elimine peryòd datant ak kesyon depistaj espesifik pou gason ki fè sèks ak gason (MSM) ak fanm ki fè sèks ak MSM.

Direktiv yo toujou egzije yon peryòd datant pou kèk moun. Tout donatè potansyèl ki rapòte yo gen yon nouvo patnè seksyèl, oswa plis pase yon patnè seksyèl nan twa mwa ki sot pase yo, ak sèks nan twou dèyè nan twa mwa ki sot pase yo, ap toujou bezwen tann pou diminye chans pou moun ki gen nouvo enfeksyon VIH oswa ki resan bay san. Epitou, moun ki pran medikaman pou trete oswa anpeche enfeksyon VIH tankou terapi antiretwoviral (ART), pwofilaksi anvan ekspozisyon (PrEP) ak pwofilaksi apre ekspozisyon (PEP) ap bezwen tann.

Moun k ap pran medikaman sa yo pa ta dwe sispann pran medikaman yo preskri yo pou yo ka bay san. Medikaman yo san

danje ak efikas. FDA toujou nan pwosesis pou evalye lòt opsyon pou elaji enklizivite epi redwi estigmatizasyon ak diskriminasyon. Gen kèk defansè ki sijere pou konpayi asirans yo peye pou yon tès chaj viral VIH anvan don aktyèl la pou konfime donatè potansyèl la sewonegatif.

Pwogrè yo sanble diferan chak jou epi pafwa pran plizyè deseni pou yo rive. Defansè yo te konteste premye "entèdiksyon pou tout lavi" FDA a sou don MSM depi li te etabli an 1985 ak ajiste an 2015. Yon gwo mèsi pou tout defansè nan Connecticut yo ki te pataje vwa yo sou pwoblèm sa a pandan ane yo. Gen anpil travay ki rete toujou.

Plan VIH Entegre a vize elimine disparite, diskriminasyon ak estigmatizasyon. Plan an gen ladann estrateji tankou kanpay TEST CT (Di Tout Moun pou yo Fè Depistaj ak Tès), nouvo lejislasyon sou woutin tès VIH la, itilizasyon yon apwòch net sou sitiyasyon an nan zafè swen - yon apwòch global moun nan pou prevansyon ak swen VIH, epi plis aksè ak PrEP/PEP. Tout bagay sa yo pral ede mete fen nan epidemi VIH la. Tout sa yo pral ede ogmante kantite moun ki ka sove lavi atravè don san!



15

SEPTEMBER  
SATURDAY

AUGUST  
FRIDAY

MARCH  
WEDNESDAY

JUNE  
SATURDAY

OCTOBER  
SUNDAY

TUESDAY

9

NUMBER  
TUESDAY

JANUARY  
SATURDAY

JANUARY  
WEDNESDAY

NOVEMBER  
MONDAY

21

## PWOCHEN JOUNEN SANSIBILIZASYON YO 2023


**30 out -**

Jounen Nasional Sansibilizasyon Relijye sou VIH/SIDA



**18 septanm -**

Jounen Nasional Sansibilizasyon sou VIH/SIDA ak Vyeyès



**27 septanm -**

Jounen Nasional Sansibilizasyon sou VIH/SIDA Gason Omoseksyèl



**6 oktòb -**

Jounen Nasional Rekonesans DIS (Espesyalis Entèvansyon kont Maladi)




**15 oktòb -**

Jounen Nasional Rekonesans SIDA kay Latino yo



**1 desanm -**

Jounen Mondyal SIDA



# GEN POU FÈT BYENTO

Getting2U se yon podcast pou pwofesyonèl sante ki travay ak moun ki gen plis risk pou yo trape VIH oswa k ap viv ak VIH kounye a. Atravè konvèrsasyon kout, ki gen sans ak reyèl, Dante Gennaro, Peta-Gaye Nembhard, ak Doktè Sharen McKay fè entèvyou ak ekspè nan domèn nan pou diskite sou sijè ki pi enpòtan yo epi pataje enfòmasyon enpòtan pou amelyore rezulta sante moun VIH la afekte.





## REYINYON CHCP KI GEN POU FÈT

20 septanm	18 oktòb	15 novanm
<p><b>9:00am:</b> *Reyinyon an pral fèt an pèsòn nan Chrysalis Center nan Hartford.</p> <p>*Reyinyon komite a ap touswit vin apre reyinyon prensipal la</p>	<p><b>9:00am:</b> Somè sou Kalite 2023 ke Ekip Mezi Kalite ak Pèfòmans (Quality and Performance Measures, QPM) lan ap prezante.</p> <p><b>9:00am</b> Reyinyon vityèl Klike isit la pou jwenn lyen reyinyon an</p>	<p><b>9:00am</b> Reyinyon vityèl Reyinyon final CHPC pou 2023</p> <p>*Reyinyon komite a ap touswit vin apre reyinyon prensipal la</p> <p>Klike isit la pou jwenn lyen reyinyon an</p>





# CHPC MO MELE

**rvopynnesa**

— — — — —

**tretman**

— — — — —

**reatntm**

— — — — —


**tg se atnizsma i oy**

— — — — — — — — — — — — —

**istdiaepr**

— — — — — — —

Responses: prevention, treisman, tés, estigmatization, disparate



[cthivplanning.org](http://cthivplanning.org)